

Publicaziuns officialas dils 14 da november 2025

Vischnaunca Trun

Rapport dalla sessiun dil cussegl da vischnaunca dils 10-11-2025

Tractanda 1 Approbaziun dil protocol dalla sessiun dils 25-08-2025

Il protocol dalla sessiun dils 25 d'uost 2025 vegn approbaus cun engraziament.

Tractanda 2 Elecziuns e constituziun dil cussegl da vischnaunca

Per igl onn d'uffeci 2026 vegnan las suandontas persunas elegidas:

a)	President dil cussegl:
	Wendelin Decurtins
b)	Vicepresidenta dil cussegl:
	Flurina Bundi
c)	Dumbravuschs:
	Andrea Moser, Mario Lechmann
d)	Suppleants da dumbravuschs:
	Clemens Bundi, Remigi Maissen
e)	Actuara:
	Carmen Bearth-Albin

Tractanda 3 Preventiv 2026

President communal Dumeni Tomaschett informescha ch'il preventiv dil quen da gudogn e sperdita 2026 siara cun in surpli d'expensas da frs. 70'020.-. Il gudogn avon amortisaziuns munta à frs. 402'380.-. Il quen d'investiziuns preveda investiziuns nettas da frs. 1'716'500.-. Aschia seresulta in deficit da finanziaziun da frs. 1'314'120.-.

La canzlista communal presenta il preventiv dil quen da gudogn e sperdita en detagl.

Las impurtontas posiziuns el preventiv d'investiziuns secumponan ord:

6150.5010.08	Via Resgias sut	Frs. 593'000.-
6150.5010.09	Via d'Industria ost	Frs. 300'000.-
6150.5010.10	Punt Val Plaunca	Frs. 300'000.-
7101.5031.01	Sanaziun aquaduct Schlans	Frs. 260'000.-

7201.5032.00	Sanaziun canalisaziun communal (Via Resgias sut)	Frs. 250'000.-
7301.5030.00	Plazza per rimnada da rumians	Frs. 265'000.-
7410.5030.02	Lavineras Munt	Frs. 650'000.-

Il cussegl decida cun 11 : 0 vuschs da proponer per mauns dalla radunonza da vischnaunca d'approbar:

- **il preventiv dil quen da gudogn e sperdita che siara cun entradas da frs. 9'096'400.- ed expensas da frs. 9'166'420.-, pia cun in surpli d'expensas da frs. 70'020.-**
- **il preventiv dil quen d'investiziuns che siara tier expensas da frs. 2'758'000.- ed entradas da frs. 1'041'500.- cun in surpli d'expensas da frs. 1'716'500.-**

Tractanda 4 Fixaziun dil pei da taglia per igl onn 2026

La suprastanza communal e la cumissiun da gestiun han examinau ils fatgs ed ein digl avis da restar per igl onn 2026 sin in pei da taglia da 95%.

Il cussegl propona cun 11 : 0 vuschs per mauns dalla radunonza da vischnaunca da fixar la taglia communal per igl onn 2026 sin 95% dalla taglia cantunala sempl.

Tractanda 5 Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president

Baseli Tomaschett

Per la suprastanza communal

Il president

Dumeni Tomaschett

Sera da film e cudisch 600 onns Ligia Grischa

Fiastetta da finiziun digl onn festiv centenar: Sonda, ils 22-11-2025 allas 19.00 uras el center communal

Ei vegn mussau per l'emprema ga il film dallas festivitads 600 onns Ligia Grischa. Plinavon ha liug la vernissascha dil cudisch da fotografias cun pusseivladad da comprar quel. Silsuenter vegn purschiu in aperitiv en sala da cultura. La suprastonza communal envida coridalmeyn l'entira populaziun sco era tuttas gidontras e tuts gidonters dallas differentas occurrenzas.

Suprastonza communal Trun e gruppa da lavur «Sut igl Ischi 2024»

Midada dil quintader dil current electric

Tenor l'ordinaziun federala davart il providiment d'electricitad (OPrEl/734.71) ein tut ils gestiunaris da reits d'electricitad obligai da provider indrezs da miserar cun quintaders dil current electric intelligents en lur intschess entochen fin 2027. La Repower SA intenda da midar ora ils quintaders dil currentelectric cun indrezs conforms all'ordinaziun naven dil december 2025 entochen igl avrel 2026. La midada dils quintaders vegn exequida dalla esolva SA e dalla cablex SA. Duront la midada dils quintaders sto il providiment d'electricitad vegnir interruts. L'interrupziun duront il temps indicau sa cuzzar entochen in'ura. Haveis Vus damondas? Dapli informaziuns anfleis Vus sin <https://repower.com/smartmeter>. Per damondas e supplicas stat nies center da clientella bugen a disposiziun. Vus contonschis el sut la numera da telefon +41 58 458 60 90 ni per mail kundencenter@repower.com

Repower SA

Dis da viseta

Nus envidein cordialmeyn als dis da viseta ellas casas da scola a Rabius ed a Trun. Quels han liug venderdis e sonda, ils 21 ed ils 22 da november 2025, e quei mintgamai igl avonmiezdi. Per evitar pli gronds disturbis supplichein nus las visetas da mintgamai entrar all'entschatta dalla lecziun e da sortir alla fin dalla lecziun. Ils bus da scola cureschan sonda avonmiezdi sco in avonmiezdi ordinari. Nus selegrein da Vossa viseta.

Las scolaras ed ils scolars cun lur persunas d'instrucziun

Biblioteca Trun

Di dallas portas aviartas

Sonda, ils 15 da november 2025 dallas 9.30-11.30 e 16.30-18.30 envida la BibliotecaTrun al di dallas portas aviartas.

Tier in cafe ni in migiel vin lein prender pedada discuorer cun nossa clientella e passentar in mument en buna cumpignia.

Las bibliotecaras selegran sin vossa viseta

Uniun da giuventetgna Trun

Sontgaclau a Trun Prezai geniturs, cars affons. Il temps varga e la viseta da Sontgaclau savischina. Sonda ils 6 da december 2025 visetel jeu cun grond plascher vus en vies dacasa. Per che jeu sappi organisar las visetas ellas casadas, supplicheschel da s`annunziar entochen ils 29 da november 2025 sin president@giuventetgnatrun.ch Jeu selegrel sin ina biala sentupada!

Evang.-Ref. Kirchgemeinde Cadi

Ordentliche Kirchgemeindeversammlung
Siehe unter Disentis/Mustér!